

# 平陽府志

卷二十三(中)

存審五千騎馳，取約來。及存審至遼州，而梁兵已破澤州矣，約戰死澤州。立廟祀之。

劉訓，永和人。父和，仕唐為兵部尚書，隰州刺史。高誼，偉績，祥時，風世訓，仕後唐，至彰武軍節度，丹陽等州觀察制置使。耀忠，保節，建績，傳芳。後封開國侯，贈太尉。

桑維翰，浮山人。幼苦學，慨然有志於公輔。初舉進士，主司惡其姓與「喪」同音，不取，人有勸其不必舉進士者。維翰著日出扶桑賦以見志，又鑄鐵硯示人曰：「硯穿則改而他仕。」竟登進士及第，仕晉為翰林學士，平章事。晉氏之興，維翰之力居多。

楊彥詢，寶鼎人。晉高祖鎮太原，以為太原節度使。天福七年，徙鎮國，遭歲大饑，為政有惠愛，民賴以病風。罷為金吾上將軍。卒，贈太子太保。

## 宋

王繼勛，平陸人。初仕後周，歷憲、麟等州刺史。宋初授道州刺史。嘗上《南漢可圖狀》。王師南伐，以為賀州道行營都監。繼有武勇，在軍國常用鐵鞭、鐵槊、鐵槌，人目為「王三鐵」。

袁彥，河東人。少以驍勇應募，嘗從周世宗討淮南，累官彰信節度使。宋初加檢校太尉。

裴瑾，萬泉人，仕至永清軍節度，掌書記。乾德初，轉右補闕，隸職如故。開寶初，加上柱國。

柳開，河中人。父承翰，仕周，官至監察御史。開幼有器識，作文宗法韓愈。嘗有書生接

語，以貧不能葬親，將謁友求資，開問費幾何？曰：「得錢三十萬可矣。」開即罄其貲，得白金百兩，錢數萬，以遺之。仕為代州守，輯城壘戰，具以御寇。

劉綜虞鄉人。雍熙初，舉進士。累官陝西轉運副使。景德中，拜樞密直學士，知并州，以政績聞，及去州，民乞留，優詔褒獎。弟緯，舉進士，官至刑部郎中。

李興蒲州人。咸平間，契丹內侵，真宗狩魏，興以東班殿侍隨。節度使康保裔提兵赴敵軍。陷興只死之。詔其子桓，為西班殿直，累官皇城使，賀州團練使。

邢曷浮山人。邃於學，侍太宗，進講易師比二卦，帝嘉其精博，召為國子監丞，專講學之任。真宗始置翰林侍講，首以命曷，後至學士。嘗注《論語》、《孝經》，行於世。

薛田河東人。少師種放，與魏野友善，進士起家，歷知河南府天雄軍益州。累遷右諫議大夫，知延、同二州。性和厚，才干敏，數為大臣所稱。

裴濟字仲溥，稷山人，耀卿八世孫。少事晉邸，出補太康鎮將。太平興國中，江表盜起，命為巡檢，遷崇儀副使，轉崇儀使。監戎兵於威魯軍，次鎮州。夜有盜騎假官軍至，濟曰：

「此必妄也。」不納，及旦，果遁去。太宗嘉之。遷西上閣門使。尋知定州，契丹三萬騎來攻濟，逆擊徐河，斬獲甚多。淳化初，為鎮州行營轄使，於唐河擊賊有功，優詔褒美。歷定鎮二州，凡十五年，威績甚著。再領順州團練使，知靈州，謀輯八鎮，興屯田之利，民甚賴之。時清遠軍陷，夏人大集，斷饗道，孤軍絕振。濟刺指血染，奏求救兵，不

至，城陷死之。上聞嗟悼，特贈鎮軍節度使。子德裕，以錄蔭，自四門助教，拜太子右贊善大夫，累官少府監勳，上柱國，爵開國侯。以老分司西京，為吏廉清不擾，始知蓮、絳、解、號、澤、沂六州，皆有能政。

高繼嵩，霍州人。唐相士廉後。以武勳進事真宗，仕至銀青光祿大夫，檢校太子賓客，保州刺史，兼御史大夫，騎都尉，渤海縣開國伯。贈武定軍節度使。

董孝章，解州人。真宗時十世同居，同時又有潞州邢浚八世同居，隰州趙友七世同居，以所

在請加旌表，從之，仍蠲其課調。

薛顏，萬泉人，舉三禮中第。歷河東、陝西轉運使。河中浮橋歲為水所敗，顏驪上流為支渠，以殺水怒，因取渠水溉田，民頗利之。仁宗即位，遷給事中，歷光祿卿。

司馬池，夏縣人。少孤，家貲數十萬，悉推諸父而自力讀書。舉進士，知光山縣。仁宗朝，知鳳翔府，召知諫院，表懇免。上曰：「人皆嗜進，池獨嗜退。」官至天章閣待制，知晉州。初，池將試殿庭，報母亡，友匿其書，池心動，遂馳歸。

王曙，河津人，唐東皋子續後。中進士，累官樞密直學士，知益州。仁宗時，拜同中書門下平章事。卒，謚文康。子益柔，少力學，通群書，官龍圖閣學士，知應天府。

孫復，字明復，平陽人。舉進士不第，居泰山，著《春秋遵王發微》二十篇，石介及魯學者多師事之。年五十不娶，枯槁憔悴，須鬢皓白，故相李迪守亮見之，嘆曰：「先生年五

十，一獨居，誰是左右？不幸風雨飲食生疾，奈何？吾弟之女甚賢，可以奉箕帚。」復固辭，迪曰：「吾女不妻先生，不過一官人妻，先生德高天下，幸婿李氏」復曰：「相公女不以妻公侯貴戚，而固以嫁山谷衰老，藜藿不充之人，相國之賢，古無有也，予不可不成相國之賢。」遂娶之。李氏亦甘淡薄，事其夫盡禮。給事孔道輔，剛直嚴重，不妄與人，聞其風，欽侍左右。慶歷中，範仲淹、富弼言其道德經術，宜在朝廷。召拜國子監直講，後坐貶翰林。趙概等上言：「復行為世法，經為人師，不宜弃遠方。」復原職。官至殿中丞。嘉祐中卒。復在太學，天子臨幸，賜緋衣銀魚。及喪，予其家錢十萬。公卿大夫士庶諸生相吊賻治喪事。方病時，韓琦言于天子，選書吏給紙筆。命門人祖無擇就其家，得書十五篇，錄之，藏子秘閣。葬鄆州須成縣盧泉鄉之北扈原。子大年。

張觀垣曲人。中服勤詞學，科第一。通判解州。仁宗時，擢御史中丞，條上十餘事，拜同知樞密院事，後遷尚書左丞。趣尚恬曠，持廉少欲。仁宗賞飛白書「清」字賜之，以賞其節。張會元翼城人。仁宗朝鄉舉，累舉進士不第，退而講授于學，一時人才彬彬。有造。募修文廟先聖賢像，文潞公記稱之，載《學官志》，祀鄉賢。

司馬旦字伯康，池子。清直強敏，由秘書省校書郎，歷鄭、祁縣，知梁山軍安州，治郡有大體，所施設適理，便事，惠政及人。歷官大中大夫。熙寧八年致仕。旦淡薄無欲，與人交以信義，喜周急友愛。弟光尤篤，光被召門下侍郎，固辭不拜。旦曰：「生平誦堯舜之道，

思致其君，今時可而達，非進退之正也。」光幡然就位，天下聞之，皆欣然為長者之言。與富弼、文彥博諸賢為真率會，衣冠偉然，所至都人聚觀之。旦生於丙午，又與程珣諸賢為同甲，會賦詩繪像，世稱盛事。比唐九老云。仲子富，字希道，善屬文，仕為承議郎通判陝州事，季子宏，性剛正，紹聖黨事起，上書論辯，得罪謫永州，終陳留令，卒，死於黨禍。

司馬里字昭遠，溫公再從兄。父沂，贈尚書都官郎中。以孝謹稱，喜周鄉人，而自以惡衣食終其身，里第進士龐籍為鹿延經略使，奏通判鹿州，州將不法，里正色力爭，不少假借，廉靜質直，所至有惠政。每罷官至京師，未嘗有所謁。終太常少卿。為人孝友寬厚容物，內守勁直，善為詩。

司馬宣字周卿，溫公再從兄。父浩，慷慨尚義，葬其族。二十喪，贈衛尉卿。宣以蔭補累官駕部員外郎。初，為華州司戶參軍時，多滯獄，宣為直而釋之。及母喪歸，釋者炷香於頂泣送之。宣履官廉正，處事精詳，喜愠不形，恬靜不矜。及卒，聞者無不嘆惜。

司馬光字君實，池次子。七歲凜然如成人，聞講《左氏春秋》，愛之手不釋卷。嘗作圓木為警枕，少睡則枕轉而覺，即起讀書。寶元初進士，時年二十。初判并州，擢同判尚書禮部，言日食不滿，分不當賀，繼言儲嗣當立，帝皆納之。累官端明殿學士，知永興軍。上疏極言青苗、助役法不便，因求去，判西京御史臺。歸洛，自是絕口不論事。帝謂《資治通鑒》，賢于《荀悅》《漢紀》，數促使終篇，及成，加資政殿學士。凡居洛陽十五年，天下以為真宰。

相，田夫野老皆號「司馬相公」，婦人孺子亦知為君實也。神宗崩，赴闕，臨銜士望見，皆以手加額，所至民遮道聚觀曰：「無歸洛留相，天子活我百姓。」哲宗初，召拜左仆射。元祐元年，得疾時，青苗、免役、將官之法猶在，西戎之議未決，光嘆曰：「四患未除，吾死不瞑目。」折簡與呂公著云：「光以身付醫，以家事付愚子，以國家事屬公。」既而詔免朝覲，許乘肩輿，三日一入省。光不敢當，曰：「不見君，不可以視事。」詔令光子康扶入對，乃論免役五害，又立十科，薦士法，皆從之。拜尚書左僕射兼門下侍郎，遂罷青苗，復常平司。是時兩宮虛已以聽。遼、夏使至，必問起居，勅邊吏曰：「中國相司馬矣，勿輕生事，開邊隙。」海內之民得離新法之苦，歡若更生。稱其有旋乾轉坤之功。光自以言行計從欲以身殉社稷，為之益力，病革不自覺，諄諄如夢中語，然皆朝廷天下事也。卒，贈太師，溫國公，謚「文正」。京師人罷市，往吊鬻衣以致奠。嶺南封州父老，亦相率具祭，都中四方，皆畫像以祀，飲食必祝。光孝友忠信，恭儉正直，居處有法，動作有禮。事兄旦如父，自少至老，未嘗妄言。自言吾無過人者，但平生所為未實有不可對人言者耳，誠心自然天下敬信。陝洛間師其學，化其德，有不善曰：「君實得無知之乎？」子學無所不通，惟不喜釋、老曰：「其微言不出吾書，其誕吾不信也。」有文集八十卷，他著述二十種，五百餘卷。建炎中，配享哲宗廟，咸淳中從祀孔子廟庭，子康另有傳。

郭純洪洞人。治平中進士，官至宣德郎，長于史學。溫公稱其有遠、固才。子旦，亦舉

進士，宣和間，簡州文學，終亳州司法參軍。因家亳。

薛奎字宿藝，絳州人。舉進士第一，乃推里人王巖而處其下。仕為隰州推官，能辨疑獄。擢知興化、陝西副使，募民鑄錢而收其鐵租，大使之，多異政。遷御史中丞。契丹使蕭從順來朝，時壯獻明肅太后垂簾聽政，從順多不遜，奎折以理。累官樞密直學士，知益州。在開封，囹圄一空。有老嫗告子不孝，子訴貧不能養，奎與以俸錢，遂母子慈孝。仁宗時，參知政事，上曰：「先帝言卿可用，今用卿矣。」嘗使契丹，正議服其君臣，後契丹使來，必問起居，聞已用。乃曰：「得人矣。」奎性剛，不苟合，遇事敢言，尤能知人。卒，贈兵部尚書。謚簡肅。兄彙有隱操，以子恩，贈龍武軍將軍。弟塾，內殿崇班，歐陽公稱其賢，不愧於兄。子直孺，謹飭好學，初為殿直，累拜大理寺丞。從子長孺，尚書駕部員外郎，良孺，國子博士，并知名。

劉太夏縣人。居親喪不飲酒食肉，終三年。司馬光稱為今士大夫所難能，作序賻禮，并叙其弟永。一鄉人周文燦，蘇慶文臺亭之行，以傳于世。

劉永一夏縣人。孝廉。謙謹。熙寧初，巫咸水溢，民多溺死，永一持竿立門前，見他人物溺水者，輒為摘出之。鄉人負債不償，立焚其券。兄太，為醫助教，司馬君實為作傳。

姚宗明河中人。栖雲十世孫。栖雲父沒，廬墓終身。唐時表其門。栖雲後四世廬墓，至宗明十世同居。慶歷中，復其家，自後又三世同居，孝睦不替。

毋守素河津人。官至侍郎。奉親惟謹，居官雖盛暑暮歸，必朝服執簡以申昏定之禮，當時以孝稱之。

薛映榮河人，元超八世孫。知并州，治尚明，每冠帶待旦，雖寒暑不共。

師範靈石人。元祐初進士。督寄嵐軍政，兼平定、岳陽，有惠澤及人，軍民咸慕。後復督理江南，先是江南民苦於賦役，乃奏茶為天地自然之利，請稍增其稅，而民之賦役少息，既不病民，亦不病國，江南人圖像祀之。

司馬康字公休，文正公子。幼端謹，不妄言笑，事父母至孝，敏學過人，博通群書，以明經上第。居母憂，勺飲不入口者三日，杖而後起，見者哀之。溫公居洛，士之從學於公者，退與康語，未嘗無所得。涂之人見其容止，雖不識，皆知其為司馬公之子也。公修《通鑑》，康有助焉。公薨，執禮如母哀毀過之，治喪用禮經，得遺恩悉以與族人。為講官，上疏陳前世治少而亂多，祖宗創業之艱難，積累之勤勞，以勸其君。及時向學，守天下大器，其言切至。又言孟子為書最純正，陳王道萬宜觀覽。既病，猶力解孟子二卷。會除諫議，未受。條具諸所當言，以待曰得一對，極言而死，無所恨矣。及卒，公卿以至市井之人無不哀之。為人廉潔，口不言財。初立溫公神道碑，常遣使賜白金二千兩，康以費皆官給，辭不受。不聽，遣家吏入京師，納之乃止。範祖禹為志其墓。康卒時，子植幼，宣仁太后憫之，呂大防謂康素以邵伯溫為可託，請以伯溫為西京教授，以教植。伯溫至官，誨植曰：「溫公之孫，

大諫之子，賢愚在天下，可畏也。」植聞之，力學不懈。卒，有立於世。孫伋，字季思，出鎮廣州，終開國伯，吏部侍郎。所交皆天下名士，洪邁輩樂與之游。凡溫公之書，必梓行之。於《資治通鑑》得公凡例於殘稿中，撮其要例傳於世，予奪之旨大明。克昌家學，大有功於文正。高宗南渡，扈從寓杭，冷為山陰之始祖云。

竇智，曲沃人。舉鄉貢進士，精通《五經》，教授晉絳門人，皆登通顯。元祐中，上問樞密院副使王岩叟曰：「從誰學？」對曰：「從河東寧先生。」其德行學問見重當時。

薛向，萬泉人，顏孫。制置解鹽兼提舉買馬，又歷知數州。皆有聲。元豐初，同知樞密院事。卒，謚恭敏。向干局絕人，尤善商財，計算無遺策。子紹彭，有翰墨名仲嗣昌。官至刑部尚書。

司馬京，字亢宗，溫公再從子。父諮，為人謹厚孝友，自幼無子弟之過。贈尚書比部郎中。京以蔭補，累遷駕部員外郎，通判潞州事。為人驢直干敏，所至吏民稱之。

李居仁，曲沃人。父早喪，事母至孝，日授生徒，以供飲膳。母歿，築土為墳，高四丈餘。時名其巷曰孝母，名其族曰墳基李氏，至今因之。

蘇慶，夏縣人。事繼母以孝聞，嘗語其婦曰：「汝事吾母，小不謹，必逐汝。」繼母少寡而無子，由是安其室，終身。宋史在孝義傳。

許翰，襄陵人。欽宗時為中丞。胡安國罷，輸入見，上問曰：「識安國否？」對曰：「自

蔡京得政，士大夫無不比附，惟安國超然不為所污。」遂除中書舍人。高宗南渡，擢翰尚書右丞。會李綱罷相，力求去，不許。及陳東得罪，乃曰：「吾與東皆爭綱者，東受戮，而吾在廟堂可乎？」為東著哀辭八疏，求罷，遂提舉洞霄宮。著有《春秋傳注》。

趙鼎字元鎮，聞喜人。學邵子于其子，學程子于其門人。崇寧中進士，授開封士曹，疏斥章惇誤國，出為洛陽令。京師失守，金人議立張邦昌，鼎不書議狀。高宗辛建康，鼎言以六宮所止，為行宮，車駕所至為行在，上四十事，遷御史中丞，參知政事。朱勝非忌之，除知樞密院，宣撫川、陝，適淮報至，帝曰：「卿豈可遠去。」遂以鼎為尚書右僕射兼樞密院事。制下，朝士相慶。鼎請罷王安石從祀，尊二程子書，門人存者錄用，人才當用者條列左右，次第奏行，時稱小元祐。儀真之捷，帝語張浚曰：「趙鼎真宰相，天使佐朕中興，可為社稷幸。」嘗親書「忠正文德」四字賜之。浚在江上，遣呂祉奏事，所言夸大，鼎抑之。帝謂鼎曰：「他日使浚與卿不和者，祉也。」會鄭瓊執呂祉以全軍降劉豫，浚引咎去。復召鼎入對拜尚書左僕射。上曰：「浚罪當遠竄。」鼎言：「浚母老，且有勸王功。」上意乃解。秦檜以鼎辟和議，乘間擠鼎出，知紹興，又徙知泉州。檜諷謝祖信、王次翁論鼎謫興化軍，移漳州，又潮州安置。在潮五年，杜門謝客，不談時事。詹大力誣鼎賄囑潮守，改置吉安軍，上表謝曰：「白首何歸，悵餘生之無幾。丹心未泯，誓九死以不移。」檜曰：「此老倔強猶昔。」在吉三年，門人故吏不敢通問，惟廣西帥張元宗時饋粿米。檜知之，令本軍月具存亡。

鼎自書墓石籍里，除拜日月銘旌云：「身騎箕尾歸天上，氣作山河壯本朝。」遂不食而卒。時紹興十七年也。明年得旨，葬衢州。子份護喪守。臣張杰以中外士大夫，必會葬，密遣縣尉翁蒙之搜私囊，掩取以為奇貨。蒙之急走，僕自役園牆出，密告份，焚篋中書，及弓刀之屬。比兵搜，無所得，始免。孝宗即位，追贈豐國公，謚忠簡，配享高宗廟。著有《得全集》三百餘篇。

孟宗政絳州人。父林，從岳飛至隨州，因家焉。宗政有膽略。開禧中，為西京鈐轄，駐劄襄陽，屢敗金人，代許國為荆、鄂都統制，置忠順軍，威振境外。金人呼孟爺爺。宗政好賢樂善，有功者怨必賞，有罪者親必罪。死之日，邊城為罷市，慟哭。子珙，亦為名將。

司馬樸，旦孫。父宏，因當事謫永州，樸以外祖範純仁遺恩，歷官兵部侍郎。使金，不屈死。贈尚書，謚恭潔。

邵雲，龍門人。從觀察使李彥仙守陝州，金人攻城破，雲被執，妻宿欲授以千戶長，雲肆言不屈，乃釘木架上，凡五日，磔殺之。至抉眼摘肝，言不絕，喉斷乃已。初行刑，將剗及雲，叱之失刃而斃。其忠勇如此。

呂元登，夏縣人。觀察使李彥仙之愛將。金人妻宿圍陝城，元登以兵來援，而城已破，身被重創，入持彥仙泣曰：「圍久不知公安否？今得見公，死無恨。」創悶方卧，聞殺聲，遽起戰死。

史緒字仲昌，曲沃人。徽宗時為左清道帥府副，遷驍衛將軍。世明法律，為人忠厚，寡言，外貌莊毅，內懷明恕，雖家人相對，無情容。居官決讞，持平不移於私。卒，贈左武衛大將軍。

段季良稷山人。曾祖應規，司理參軍。門族蕃大，號所居為司理壯。世修儒業。

薛繼先猗氏人。好學有高位，少舉鄉試，南渡後隱居教授，不接權要。事母以孝聞。子純孝，有父風，俱以能詩有聲于時。

侯仲良河東人。父道濟，娶程珣女。仲良呼二程為舅氏。從之游，人有館仲良者，仲良見其家壁垂佛像，幾積佛書，俱去之。朱子稱其學清白勁正。

### 金

麻秉彝臨晉人。性純孝，自幼敏悟，能屬詩文。皇統中進士，歷官兵部侍郎，有能聲。

喬宸洪洞人。天德中進士。官至河東南路按察使。詩詞俱有名。子宇，八歲能鼓琴，召入東宮，顯宗稱其不凡。後為益都按察轉運使。與田琢俱歿於兵。

陳克基其先自洛徙臨晉。祖揮，宋慈州司士曹，有清操直節。父灝，儒林郎。俱葬縣之凝陽。克基，天德三年進士第一，仕國子監丞。

李愈絳州人。慷慨尚志節。正隆中進士，為監察御史，彈劾無避。累遷刑部尚書，在朝多建明。後封隴西郡侯，謚清獻，著有《狂愚集》。

段鐸，潞山人。少孤，師事兄鈞。正隆初與兄鈞同登進士。人呼為河東二段，號所居曰雙桂里。鈞以文行著，未仕而卒。鐸由長安簿歷兵部主事，審決河北路刑獄，曹州刺史，華州防御使，所至皆有異績。上疏乞歸，進階中奉大夫，封武威郡開國侯。

梁襄，絳州人。性穎悟，日記千餘言。大定初進士，世宗將幸金蓮川，襄上疏極諫，以直聲聞。擢禮部主事，累遷保大軍節度使。襄於《春秋》、《左傳》、《地理》、《氏族》，無不該貫。

楊時見宦績。

鄭時昌，字仲康，洪洞人。孝友性成，八歲通《易》，讀書過目成誦，晝夜寒暑不輟。大定間，對策第一，世宗欲以典樞要，辭不受。曰：「願名于當年，傳道于來世，吾之願也。」遂就汾州教授，抵西河，訪子夏之道，衍河汾之傳，理學大明，士子翕然從游如雲，文風為之丕變。編《韻類節事》，并群書會要，行于世。

郭用中，平陽人。大定七年進士，歷浮山簿，陝州錄事。所著有《寂然居士集》。

張珰，河中人。大定中登進士第，仕定國節度同知。子鑑，刻意於詩，五言尤其所長，時稱為張五言，所著有《韋齋集》。

毛麾，平陽人。大定十六年舉學行，賜進士出身。授校書郎，入教官掖，歷太常博士，終於沁州知州事。有《平永集》行世。

許誘曲沃人。大定進士。會兵亂，負母避居山東，既而歸鄉，服父之喪，始終如禮。子良，見《孝子傳》。孫天麟，自童時寡言笑，博學能文，尹河津，出奸惡，去苛細，凡病民者悉除之。以奉訓大夫，晉寧路判官，致仕。天麟子益，優問學，善楷書，尤工於詩。益子德基，任晉城知縣。

陳廣字子庭，別號默軒，臨晉人，仲謙長子。擢明經，累官河東、山西道行中書省參議，有才名，與太原元好問游從，宦寓中，一時雅合詩文，數相贈遺。大同路儒學教授房祺纂錄其詩，自麻革、張宇、房舉、段克己、段成己、曹之謙、及廣、庚兄弟八人，號曰《河汾諸老詩集》。弟庚與兄齊名，除平陽路提舉，有詩載集內。庚亦有文名，廣追封潁川侯，謚壯敬。

趙文昌平陽人。博學好持論。明昌中進士，仕至遼東路監使。子觀，從事史院，性資謹厚，不忤于物。

陳規，稷山人。明昌中進士，授監察御史。嘗上書言侯摯、馮祥等罪，後又條陳八事。出為徐州帥府經歷，尋召為右司諫，有爭臣風。規博學能詩文，為人敦厚，動有禮節。死之日，家無一資，友葬之。

鄭當時，洪洞人。明昌登進士第，仕至河汾教授。編節義事行於世。

申明，臨晉人，膂力過人，以備直。事母時，盜賊夜劫殺人，明一夕出，母被殺。明假寐田畔，夢母謂曰：「吾已死賊手矣。賊東南行，可追之。」明亟返會衆，尾賊不獲。目眦俱裂，

遂仰天憤恚志而死。鄉人義之，為之立廟，今丁莊村有忠孝廟，祠即明也。

龐 整 河中人，早喪父，事母孝。母卒，合葬塋域。整，即日屏妻子，自入幽隧，哀慕不啻生事。其子源，嘗入視整，偃僕救之。方蘇，隧中穢惡，變為异香，整屏因不勝，夜有人送藥服之，愈，以為神勅，賜孝行旌表。

張仁楫 平陸人，明昌三年，有司以仁楫四世同居事聞，詔表其門。

田世英 河中人，博學能文，長於詩。舉進士，調絳州教授，遷虞鄉簿，轉縣尹，退居教授鄉里，從游者衆，時稱田先生。

郝 衡 稷山人，舉進士，隱居教授，以德行稱。

王庭筠 字子端，河東縣人。生未期，視書識十七字，七歲學詩，十一歲賦全題，登進士第。

調恩州軍事判官，臨政即有聲。郡民郝四謀不軌，事覺，逮捕千餘人，竄匿不能得。朝廷大理王仲軻治其獄，庭筠乃以計獲郝四，分別註誤，坐預謀者十二人而已。調館陶主簿，召試館職，已中選御史臺，抑之遂罷。卜居彰德，讀書黃華山寺，因以自號。後遷翰林修撰。卒，年四十七，上素知其貧，賜賻錢八十萬，求詩文藏之秘閣。御制詩賜其家。著《蘇辯》十卷，《文集》四十卷，書法學米元章，尤善山水墨竹，子曼卿以能詩，仕至行省郎中。

孫 鎮 絳州人，博學有才，舉進士。為陝州刺史。弟錡，寧州刺史。鉉，番原令，與鎮同榜進士，世號三桂孫氏。

平陽府志  
劉祖謙安邑人，承安五年進士，拜御史，以剛介稱。終武勝軍節度使。

劉從謙安邑人，見官績。

王綱趙城人。大安間廷試，詞賦狀元，翰林修撰。

邢德真浮山人。刑部侍郎。子天祐，正大中狀元。

段恒稷山人，字元貞，鈞之孫。素以德誼才學聞，應詞賦進士舉屢中，至御試，輒有蹉跌。金南渡之歲，詔曾三赴廷試，不中選。年五十者賜同進士及第，人多冒濫求進，公獨曰：「吾實四十有九，將求入仕，欺君可乎？」終不陳。

段成已稷山人，鈞曾孫。天性孝友，四歲知力學。正大七年，與兄克已同登進士。時趙秉文典試，誦其賦，器之，大書「雙飛」二字名其里。克已終身不仕，人稱遜菴先生，早卒。成已授宜陽簿。入元，世祖降璽書即其家，起為平陽儒學提舉，不赴，天下高其雅德。祭酒周文鑑稱其文在班、馬之間。所著有《二妙集》、《菊軒集》。克已子思誠、思溫。成已子思義，另有傳。

張繼祖臨晉人。進士，大中大夫，宿州保靖軍節度副使。

宗經稷山人。領解元，舉進士，所著有《雲岩文集》。同邑郝衡舉進士，隱居教授，以德行稱。

強伸河中射糧軍子弟。貌陋而膂力過人，以功推府僉事，累御大敵，詔褒諭為中軍留守，